

序

文之有集也。汗牛充棟矣。古人三不朽。立德爲上。功次之。言其末也。而左思十年著賦。以元晏先生而傳。以序也宜哉。吾鄉事軒張先生漫稿。膾炙人口。而吾謂先生之不朽者。不在是。先生弱冠登賢書。初教武昌。再令陸川。善政疊舉。解組後詩歌自適。余每過之。有五柳先生風。試問今日居官。而能曰清曰慎曰勤者誰乎。曰惟事軒。居家而能德足範俗。操減明之守者誰乎。曰惟事軒。無惑乎忠銘先生之序之也。不佞生平翰墨。惟序唐詩鼓吹一。及拙稿備忘集二。並先生漫稿而三焉。其傾倒乎先生可知矣。勿曰吾私鄉人而阿所好。而先生仲子太垣懼父書之不傳而求序於名人之筆以傳。是皆可傳者。

汝賢海瑞序

本傳

張子翼，字汝臨，號事軒，官隆三圖嘉湖人，穎悟異常。研精六藝。漁獵百家。弱冠登嘉靖丙午科亞魁。授武昌縣教諭。卻贊濟貧。立程課士。當道以爲楚中廣文第一。陞廣西陸川知縣。遷建文廟。以振作人文。疏濬新河。以廣興水利。造敵樓以禦土寇。建茶亭以濟行人。在任五年。口碑載道。祀陸川名宦。歸田後閉門課子。與海忠介王尙書詩簡往來。傳爲韻事。著有事軒稿。忠介爲序。子紹美官貴陽同知。有傳。

張 事 軒 摘 稿

目錄

送李雲泉入觀序

贈趙三山榮獎序

賀王文銘銓光祿監序

送刺史蒲石陳公榮獎序

送張古濠謝政榮歸序

召杜遺思卷序

記

茶水亭記

塘山墓記

祭塘記

目錄

張 華 軒 摘 稿

目 錄

鍾錡谿山墳雷雨記

說

世養齋說

雜文

祭陸川遷學告廟文

祭伯丈陳雲峯迴翁文

代祭親家陳公文

祭高塘岳母文

祭宜人鍾母表姑母吳氏文

代家父祭青山岳公文

祈雨文

詞

張 事 軒 摘 稿

賦

焦不食詞四首送栢山

喜雨賦

雙耶賦

詩

五言古

春寒

贈海剛峰萱堂貞節卷

感懷

代友人送別

七言古

目錄

孔釋抱送圖送王忠銘

粟園歌遺王肖陽

依太司成忠銘韻哭伯丈孝銘暨孺人莫氏

題濱隱孔雀牡丹圖

五言絕

雨中寓多尋山庄十首

七言絕

送陳仰坡景仁昆季八首

林介石送磁蓮盆喜賦二首

感懷四首

華堂天曉歌七首爲年丈居泉誕子作

漁樵耕牧

張 事 軒 摘 稿

九慈蓮圖

携琴訪友圖

三水即事

江漲一首

自良山中

過梅藍

五言律

寒雨二首

人日

與甘文峯程質齋之建江即事

贈李貞宇

建江阻雨

目錄

稿 摘 軒 事 張

目 錄

六

建江阻漲

九日

枯柳

與沈迎川石圃王省陽曾竹峯府時新月初霽即事

曉行

山庄卽事

栢山劉工部送已上人韻次之

登栢山白水湖山舍四首

熱水亭

峴岡舟中用姚侍御韻書懷二首

遣表叔馮石塘縣尉二首

鬱林四月見荔枝

文家感文山事

稿 摘 軒 臺 縣

秋雨

龍嵩兩途即事寄迎川省騷五首

江漲

五言排律

題黃會川退谷卷

宜章與太尹陳前峯邑博馮西郭遊艮岩

明遠樓宴文學李半沙博士王雪溪

寄劉清軒同年華居泉二公

送王忠銘北上三十韻

附忠銘和韻

七言律

夏日沈石圃雲巖野郡文臺陳仰坡夜宴石圃分韻二首

目錄

五

張 寧 軒 摘 稿

目 錄

八

七夕會仰坡不果書懷

會莫志完李瑤泉甘文舉宴岳丈溫泉宅時有歌妓在右
文學莫志完見邀裁謝

代喻可送林琴士

候仰坡不至偶成

王肖陽雨中見訪

除夕

冬日桃華

春日桃華齊開子結如豆喜而賦之

落地桃華

春燕

江亭餞別四首送太史王忠銘北上

附忠銘和韻

張 事 軒 摘 稿

訪陳完軒不遇

病中寄沈石圃竹垞

賀沈竹垞壽誕

書從子正之便面

送舅弟李貞會試

逢王肖陽會試

送邢思軒會試

送林竹溪歸鬱林兼呈楊明府

遺馮子明

寄唐一軒

訪貞字不遇

寄陳菊庄二首

和喻可寓黃有才不遇韻

張 第 四 篇 稿

目錄

賀沈恭軍肥封榮歸

送從弟從戎南口

九日旅懷

送張古豪歸和歐寧二首

與雲靜野鍾冲宇同携用扇韻

賀文銘德銘遙想忠銘親家賦此

寓文鑑書館

盆梅忽抽長故尋許始華喜而賦之

登王文銘高明樓四景

寄邢用鳴

送王時中歸隱侍養

迎栢山

員墩書館贈邢公

稿 摘 軒 事 談

講柏山遠述

程易軒八景題文

別蔡醫士赴武昌

送金三江二尹歸無錫

寓宜章寄武昌彭養忠

寄胡我溪昆仲

寄錢洞潯

途中次同年黃章軒遊南岳不果韻

寶家道中

代家父賀菊

梧州喜報家君至陸川

棠印唐絕留題

印堂絕效首尾吟

張 寧 軒 摘 稿

目錄

迎春即事

藤縣中即事

溫泉瀄暖臨川六卷

分水清環

後陽疊嶂

前合列屏

西鳳朝陽

謝仙飛瀑臨川有崑崙山

與李瑤泉甘文舉月夜投壺會飲因携遊賦此

寄符敬所

與謝崑陽唐舜封遊天寧寺

雨中迎川見訪時十一月一日

李南薰見訪李精堪與歷日

張 事 軒 摘 稿

再寄迎川

寓建江月夜聞笛有懷甘文峯

哭甘文峯

黃汝欽宅上

初秋經莫東山携舊宅

次張業白韻二首

遂甘程二丈人

次張業白見訪二首

登竹峯員墩書館

再勉館中諸郎

右圃榮歸

賀陳少雲誕子

夜席書美人便面

張 事 軒 摘 稿

目錄

寄齊蘭野三首

用韻寄竹峯

元寶會飲昆季草堂

吳梨園請書便面詩以付之

秋日寄舅弟貞宇

至規岡用戴公韻

九峯寺用壁間韻

序

送李雲泉入覲序

甲子秋。天下例當入覲。我侯雲翁塲事既竣。束裝在途。門下吏林某鍾某張某咸奉朝廷以守土者也。均以例。不得咫尺天顏。乃相率送公于江之潯。顧而環拜曰。公是行也榮矣哉。夫當宁之受成也。所以稽績也。諸司之北面也。所以顯庸也。聖天子銳意考成。留心民隱。邇者勅諸司大計。天下群吏之治。有出於虞庭明試之外者。使當今循吏有能遺愛。如子產去思。如何武者。有不捐脾稱嘆。深嘉而顯擢之者乎。始公令陽山也。有去思之碑。誦之者曰。今之何武也。守濟寧也。有遺愛之碑。誦之者曰。今之子產也。夫古今人不相及。而令名永世。公且兼而有之。是可以媲美於前。聲施於後矣。茲其淹鬱林也。撫字加於窮廬。節損通於里甲。威勦行於疆禦。禮遇降於縉紳。城垣固於建甯。盜賊屏於荏苒。官箴式於郡更。譽望孚於上官。豐功偉

績。先後歷揚。其爲甘棠之貽愛。陵谷之垂思。真有出於尋常萬萬者。天子旁求賢吏。諸司優叙官職。則敷奏之曰。寧無不次之選。以彰有常之吉也哉。榮矣哉。公是行也。抑州之南紫水出焉。亭其北曰。瑞泉。州人、重公之德也。因雲泉而號之曰。瑞泉夫子。昔者陸公爲守。携石寶舟。越人至今指之曰鬱林石。石以陸而見重。今茲水也。不因公而加美也哉。古今人真有足相方者。故於公之行也。酌以贈公。

贈趙三山榮獎序

吏治惟令於民最親。而簿書叢雜。歲額纖碎。羽檄旁午。幽滯者思援。流離者仰集。惟令最劇。剛則折。柔則廢。寬則慢。猛則殘。膠於守則上疑。右於民則士憤。亦惟令最難。責重而艱。附循絕響。澤以待於下。恩以啖於上。而民瘼渺秦越矣。瓊海距京萬里。遠隔天日。按輶罕臨。民多冤抑。大抵里甲靡於供派。羨餘增於收額。鷄犬疲於催徵。需索煩於勾攝。村落凋於烽警。

加賦增於軍需。官長視之。猶過客然。曾無隱已急援之意。瓊海封疆。瓊山稱首困矣。三山侯以粵西人表。由奉化擢檄蒞焉。始至求民隱。清弊源。厲廉隅。畧趨迎。上司疑其僻。士子憚其方。武胄噴其亢。而顓頊爲民之素。發於肝鬲。有不待家喻而戶曉者。利所當興。害所當革。毅然爲之。不少貸焉。始愛公者曰。獲上而後。民可治也。公其若之何。公曰。長官置吏。本以爲民。舍所學以媚人。吾不爲也。執之如初。平易近民。簡便宜俗。由是法倪公之緩刑。試劉令之蒲鞭。操孝肅之持守。行之朞月。政通民和。上服其介。士仰其公。黎民不忍欺。吏胥不敢犯。嘉獎且首及焉。益可以見胸中有物者。古道果可行於今。實心愛民者。公道尙未淪於上。匪特爲公慰之。凡在顓廬者。咸彈冠以相慶也。民有爭訟。付原詞自處之。弗直而後寘於理。化民以長者之道。還俗於無訟之風。此又數百年來。長民所未有者。非視民事如己事者。嚆則能之。某當歲辦會趨里甲於臺。自求平之外。若罔聞知焉。可謂編甲歸農。太平景象矣。國族子弟。均受賜焉。其餘之窮鄉絕谷者可知。

矣。盜側芻蕘之頌。俟觀風者採焉。頌曰、顯矣瓊山。孤懸海若。豕突蜂屯。頻年肆虐。生齒流離。誰獲我所。是循是附。咸曰父母。愷悌三山。獨秀儲精。分符南服。寄此顯城。惟此炎荒。兵需倥傯。撫字心勞。催科政拙。庭有編甲。公曰歸農。藝爾黍稷。誨爾童蒙。民有訟詞。公曰弗質。先爾鄉評。後我王法。士民推戴。里巷歌謳。化行單父。異比中牟。植弱扶微。化民成俗。惠我無疆。治瓊紀錄。

賀王文銘銓光祿監序

天子以天下養一人。自宰執以累百執事。各有司存。而玉食御供。付諸光祿。周官以膳羞隸于冢宰。蓋慎之故重之也。文銘翁少年脫穎。補郡學廩生。制選將及矣。時值太史忠銘翁、起復歸館閣。慨然曰、吾與二三伯仲。泮渙荆庭。而季弟獨懸萬里外。其若之何。遂舍貢就例。戒裝偕行。槩觀太史公太廟賦諸詩。友于脩至。道逢風雨。舊約對尋。而容與蘭臺。比諸彭城漂

治。其景又倍之也。北入銓曹。得就內府監事。昔者長孺爲郎。自陳出入禁闕。喜近君也。太史爲明天子侍從之臣。而公且就養左右。密邇天顏。則薛鳳荀龍。豈惟輝映。而鴈之序。鵠之行。朝端並譽。又今昔所榮也。抑聞之。晉臣有杜養者。非晉之膳宰乎。飲嚕飲調。歷階揚鱗。平公曰。慎毋忘斯爵也。遂爲晉國之故。當宁分職設官。無論巨細中外。皆可以自靖自獻者。文銘尙其一飲一食。敢與諸防。則糾繆繩愆。當有續杜舉之餘者。預爲文銘卜之也。彼列鼎連貂。恩修畫錦者。曾是以爲公多乎哉。抑古今治稱盛美者。必曰虞周。夷考其故。則美由世濟。士鍾一乳。皆一家積累之長綿。而爲宗社無疆之福也。公之介弟德銘、孝銘、行且翱翔儀羽。繼序天庭矣。泰之初九曰。拔茅以其彙。征吉。蓋三陽並進。世治所以休明也。嗚呼。此豈特于門之盛哉。測景運、保泰和、吾茲諒矣。梓里前驅、賓朋交列、其泰姻媿。偕附彈冠之末云。

送刺史蒲石陳公榮獎序

序

六

島夷攬入中國。雖臨越承平。兵革不加之地。曾羽檄交馳。障谷爲蔽。況遐陬邊海。害獨易支也哉。守令之在于今。蓋新新乎難矣。儋崖日建武開疆。俗稱簡朴。然黎據於中。則土酋出沒不常。海環於外。則醜虜風帆難測。兼以室罄於氣侵。租負於瑣尾。盜橫於反側。訟健於刁頑。淪茲視昔。又難之難者也。蒲石陳公。以閩才移守。駁歷多年。興滯補弊。理賦平徭。歷歷可稱。皆公餘事。姑舉其大者。遺黎符周賞那理之徒。招亡納叛。荼毒萬民。爲害巨矣。勦而除之。剪百年腹心之疾。海寇肆掠。莫敢誰何。即如建江中土。深山窮谷。無所不至。未聞有官軍寸鉄捨而捍之者。獨集兵防禦。境內平寧。貽一方保障之安。大要蔡功以斷成。蜀治以嚴理。諸所建畫。皆助乎是。公始令高明也。檄署東莞。計擒積寇。猝立奇勦。當路嘖嘖曰。不費兵糧。除兇剪憤。則據今可底之崇功。皆公已試之成法。如月在川。而萬影皆圓。如金

在鎔。而隨象取足者也。夫德薄則威廣。實大則聲宏。任久則功成。根盤則器別。撫按使臣。博採殊方。奏記登而聞之。多公之積。獎勵所及。有不覺其詞之至三。又不靳其行之數次也。寅侯劉公。徵文以賀。夫嘉已往之善。所以慰方來。殊賢良之旌。所以奮庸績也。公之政績。上人知之。亦既詳之矣。愚復何辭。顧以邊方之禍。有漸不可支者。深爲公屬。夫南溟要務。孰有大於海防者乎。勦撫並行。而後恩威兼著。此確議也。當事者獨倚招安。威不攝矣。邊海之患。自今未有津岸。則嚴明之治。今日所需也。夫得一良將。勝兵三千。得一良吏。勝兵三萬。公之自試屢矣。此正不必異思於附驥。借才於異代者。除老生之常談。權地方之重寄。正今日所拭目於公者。某於海寇深受其慘者也。故於茲惓惓焉。蓋厚以望公。將緣以自庇也。

送張古濠謝政榮歸序

忠銘子視草金門。桑梓未常不昕夕在念。足音至。必首咨縣牧。重民隱也。

張 事 軒 摘 稿

則歷歷誦古濠之左右。附循治平。爲南溟第一。私自慰之。己卯春。伯氏家報。以古濠謝事。得請且以贈言。馳屬。撫然不懌者久之。於戲。是尙可以贈爲哉。古濠之志。遂建江之民瘼矣。夫吏治惟令於民最親且重。亦最劇且難。大抵長於操守者。才猷或疎。銳於精明者。渾厚則少。而上官之獎。吏者則甚左。名實眩於毀譽。期會急於簿書。保障後於繭絲。僥倖先於惛輻。文移雖具。上下相蒙。而待澤之民。帖帖然日不下究矣。古濠政績。口碑盡之。冰壺秋月。案牘蕭然。關西之伯起也。然意氣溫溫。直引爲官箴常備。竟無銜節。清矣而未常亢也。民情物態。洞鑒無遺。摘伏之京兆也。然駁歷雖多。徐又加以仁慈。得情之後。多所平反。察矣而未常苛也。平易近民。罕加鞭朴。若直以柔道理之者。而豪右挫折。曾不少貸。更懸揭於明亭。樵葦案黨者。根株殆盡。寬矣而未常縱也。里胥勾攝。輻甲歸農。永平之需。不聞外派。而公私支應。率多量劑調停。節矣而未常固也。蒸土之役。公資移之。委以能幹者。閱月而清。貧生貢石。曲爲處之。捍禦之功宏且遠矣。勞而未常

怨也。集是五美。蒸民賴之。雖如漢制以姓世長子孫。亦民情所懇懇者。而胡爲賦歸之與也。嗟夫。世路驅人。溺焉不止。海雲生矣。尙逢迎於津吏。斜風急矣。意取笑於漁郎。五湖之烟景誰爭。二鳥之榮光長羨。卒未有遼李愿之盤。開蔣詡之逕者。榮矣哉。古濠之勇退也。是行也。一丘一壑。可以怡顏。碧水丹山。平生舊侶。行樂且洋洋矣。如蒼生何。故曰。古濠之志遂。建江之民痛矣。雖然。是未足以槩公也。達人大觀。無施不可。隱顯果有二哉。始公捧檄而來。携密父之琴。種潘郎之夢。淮陽臥治。雅歡投壺。城市亦山林也。今其改綬而去也。思江浦之遺佩。追杜甫之行吟。雖身在獻畝。而一飯未常忘君。江湖卽廊廟也。故大丈夫處世。先隱而出。爲伊爲呂。先出而隱。可范可陶。公其選矣。

召杜遺思卷序

人情有所繫則思。而思之所鍾。別離爲甚。其親且故者。其思幽以深。其疎

且遠者。其思神以漢。真情所發。不可掩也。乃若官長於民。又上下懸隔。兵甲鏖殺。催徵旁午。圍圍鐘楚。戒厲不休。兩造其脩。雖曲直分明。譬江土風。來者欣則去者拂矣。故聖賢得民之難。今古識之。史遷傳循良。襲黃卓魯之外。不多槩見。而紀去思者。惟何武云爾。思可易言哉。古濠涖建江。扁退食之堂曰吏隱。已浮雲宦況矣。丁丑之春東陵動念士庶赴留之。上官曰且慰從民望。已而莊叟益悲。公之歸夢。十盈九矣。已卯秋初喟然嘆曰。湖海孤身。鄉關千里。吾志決矣。琴書既戒。舟楫且維。於是闔縣之縉紳童稚父老。攀者祖者。圖者謠者。列採者。摛詞者。偶語而嗟嘆者。感激而垂淚者。相率送公于江之湄。阻行程者數日。文銘子探次雲情。萃爲簡帙。曰召杜遺思。標其卷曰攀轅記。願事軒子曰。子以鄉封。素沐公者。可無言以識之。余惟古濠之治。所沃聞而心醉者。本清潔而出之以慈祥。厲嚴明而濟之以溫厚。秉誠懇而集之以勤勞。先體要而勅之以樞密。建校興學。則士思曰。建水沱沱。金嶺峨峨。顯名君子。誨我實多。公之歸矣。如嗣公何。輟稿

張 事 軒 摘 稿

平賦。則民思曰。春雨所祈。麥穗雖離。饑待公哺。寒待公襦。公之歸矣。予其疇依。遠至邇安。則旅思曰。市獄不擾。即次如歸。舟車輻輳。巡崖樹碑。公之歸矣。柔我其誰。築城捍禦。則遠思曰。千秋碑睨。百里金湯。朔城山甫。鐸保晉陽。永寧久佚。燕我無疆。黎寧寇息。則遠思曰。嵐回黎母。月到炎荒。戶無外閤。夜不驚魑。烝哉德澤。潮雨秋霜。凡此皆輿情允協。與陵谷同休。宜乎繼繼彷徨。不忍公之解纜而去也。君以召杜相方矣。亦不知其去南陽日。曾有此夢轅否耶。抑余重有感矣。朝廷張官置吏。本以爲民。而民情所屬。有挽之不來推之不去者。卽近如柳堂周公淮璚之日。庭無輟朴。街無綯繆。吏之貪者廉。民之頑者革。熙熙海外。立見太平之風。而竟以讒去位。公廼繼柳堂而興者。今又以休請矣。民將誰倚毗耶。嗚呼。此治日之所。以常少也。別酒江湄。良爲浩嘆。

張 事 軒 摘 稿

序

一
二

記

茶水亭記

茶水，小惠也，而政且及此者。何也。承嚴君之命，以濟其心之所不忍者也。夫閩縣赤子。形氣本一脉之通。承乏而父母之休戚。有同室之義。迨其罹于咎也。不容不寘於法。圜牆桎梏之刑者。圖曰，天生君子。其道固宜如此也。夫禹泣罪人。文澤枯骨。彼豈有所待哉。觸於目。感於心。不忍故也。某獨行踴躍。四方羈祿。違膝下者五年。茲迎養陸川。得就天倫之樂。日用服食。百姓膏脂是賴。敢蚤夜忘思者哉。家君性慈而喜施。獨念西粵風土煩蒸濕熱。民之褻於獄。役於官者。燥渴枯腸。遂有茶水之命。廼捐俸，粥糲民黃仁受者田一石三斗充之，給業主領耕，令其歲供茶水之役，井一亭一堅于監門，在儀門之右，除衙門與皂之外，凡應係之囚犯供役之里甲，詞訟之連逮者，皆得就亭飲之。嗚呼。爲吾民者。其尙鑒飲新食。飽暖林桑。勿

屠茲茶水之惠可也。或不得已。而有事於官者。其尙飲之食之。隨取隨足。弗棄茲茶水之惠可也。雖然。使余而有害於民。雖百茶水亭何益。使余而無害於民。茶水亦末節爾。亭乎亭乎。當不能掩爾百姓矣。

塘山墓記

子翼曰墓祠非古也。禮之以義起者也。人死則魂升而魄降。古人弗忍死其親也。故送形而往。安乎地下。迎精而反。主乎廟中。上士以上。祭於廟。庶人無廟。薦於寢。禮無祠於墓之文也。然則孰昉乎。曰。自漢明始。永平之初。朝於原陵。迎主祭於陵所。太官進食。太常奏樂。茲禮之所由倡。紫陽已誣之矣。子翼曰。朝陵禮也。迎主而祭之非也。后世緣此。遂掃於墓。亦禮也。常論之。祭所以追魂而報魄者也。然魂氣歸天。無形而難卽。體魄載地。有故而可求。即墓祠之。蓋因其體魄而薰蒿昭明之情狀。或得而索享焉。情禮固甚協也。然世衰教薄。報反之興。視之不啻弁髦。恬不知怪。蓋常喻

之。凡世之稱覆宗絕嗣者。必曰廟不血食。人或四十無子。則皇皇然夙夜廣偏婢。置宗子而撫育之。曰以不絕燭燼也。然子孫之於祖父。豈直曰。襲其資。構視主而題曰。孝子某奉祀已哉。時食有薦。春秋有事。冠婚有告。瞻掃有饌。此不絕燭燼義也。今以父祖所貽。既幸而有子矣。有孫矣。立日來矣。而先祀曾不血食焉。則與夫覆絕何異。然則廢祀之禍。亦慘矣哉。且又自其反諸身者以取。譬之吾今日之所以偕夫婦。歎憂思。冒寒暑。種心德。寸積而絲累者。凡以子孫計也。則父祖爲我之心可知矣。脫有或告之曰。汝百數歲之後。汝子孫春秋而享祀汝。墳墓而慎掃汝。則汝必自慰曰。吾有子孫無患矣。又有或告之曰。汝百數歲之後。汝子孫春秋而廢棄汝。墳墓而荒蕪汝。荆榛而埋沒汝。汝則慨然自慨曰。吾何爲自苦如此哉。審此則祖德之當報。祀典之當興。凡有人心者能辨之矣。翼之先塋壟墳山大來都薛村沙。南墳鶴地者。入瓊始祖考也。葬於都龍灣坡赤瀝地者。始祖妣也。考妣俱葬於薛墳都昌莫地者。九世祖也。考妣合葬官隆都南伯外地產者。

入蓮塘始祖也。考妣副葬南伯外地產者。七世祖也。考於南伯內妣於那且墩者、六世祖也、考於南伯內妣於塘山者。五世祖也。考妣俱葬於討團者、四世祖也、考妣合葬於塘山者三世祖也。派則多而禮不一。皆可爲悼痛者也。其五世祖方議舉於是歲之春。而四世三世、則上世已行未之有故者也。今且於塘山祖墳增定之。蓋由近及遠之意。且以爲南伯討團諸墳之張本也。嗚呼祖遠則孫多。人殊則趣異。伏願爲我祖子孫者。法立而必行。行而必永。是惓惓所望於我父兄子弟者。相與共守之意。豈顯顯子翼所能獨成其孝享也哉。

祭塘記

張氏之先。自莆陽涵頭里。宦寄薛村。其遷于蓮塘。則友蓮祖始。祖諱某、號友蓮。世遠種德。茫不可稽、而脩池植蕙。垂名隱逸。言足聽聞。瓜瓞相傳。遠翼九世。登薦書者五、歷監胄者六、授邑博者三、庠校作養。濟濟相望。

張

事

軒

摘

稿

自今以往。象賢濟美。奕世無窮。皆祖創業之所貽也。夫閭臺初入之後。薛村之緒蓋微。使蓮塘未闢之先。肅村之穢如故。非昔能開其始。在今安享其成。昔者周道興隆。每原陶穴之初。協律登歌。不忘所自。則水木本源之念。淵溪沼沚之思。從今可但已哉。封塋在潭伯者密邇環居。春雨秋霜。樵遊牧唱。謠瞻猛省。孰無悽愴怵惕之心。蓋不待雍門子乙之徵吟也。前者起有分資。舉行冬至。而人殊趣異。衆志尙睽。于一三物龜儀疏。祖德未酬于萬一。僅寓存羊之意。未傾兕首之懷。壬申之春。墜掃五世祖墳。衆相諗曰。繼嗣脩矣。別子爲祖者。可造諸合族有譜。緣此以供祭。不猶愈於祭田乎。衆僉曰。唯。蓋天理之在。念祖德之在。人良有不可泯者。幾每因感而觸事。固有待而興也。遂載牲建議立爲恆規。緣宗分爲二枝。計衆置爲六首。資起六串。禮具三牢。每歲十一月望日。先期鼓吹迎牲。清晨行三獻禮。以公之子師拱帥擗。八世祖配之。事不愆素。餽每如儀。一以申報之情。一以寓睦族之意。乃仁人孝子之用心。亦事理人情之極至也。命翼記之。嗚呼。茲塘

張 也。友蓮祖之所築也。濯漑清芳。優游洋渙。遊魂千歲。尙爾依依。則藉此以嗣公。公其右之矣。然議恒阻於道傍。謀每成於野獲。願爲我子孫者。毋黨同而伐異。共成孝思。毋冒利而徇私。永遵令典。所有歎條。更詳于次。

鍾筠谿山墳雷雨記

軒 先生諱芳、號筠谿、累官兵部右侍郎、科第歷履。文章勳業。詳家藏行狀。籍籍可稽。勅賜御葬于蒼原之赤厓里。邇長郎萊州府太守允讞。卜佳城厓焉。近海寇肆掠。民無寧宇。壬申春、由廉抵澄。焚舟登岸、潛夜寇定安劫松環攻不克、邇涉江掠北通蒼原諸鄉落。奸細鄉民、潛通賊黨、爲向道曰、生人遭矣。彼父母骸骨。忍棄諸途。則棺索金以百計。復搜顯者山陵。殃及赤厓。率被擄者。負銖鎰鋤脊。始至碑碑獸。逞威將及石墳。其時天亢旱。不雨者數月。赤地千里。忽日色慘澹微雨。頃刻間。盡雷掣電。暴雨傾注。諸酋心悸膽落。莫敢仰視。羅拜叩首。雖壓以三軍。被以重圍。未有得其

稿

稿

軒

事

攝服如是者。相與蟻引而去。厝用安堵。時值先生元孫督府參軍告養在家。並次孫上舍旋加魯葬。華表依然。松楸不改。然自封塋之外。則飛炎亢魃如故。亦奇絕矣。嗚呼。是風雲雷雨者。胡爲乎然哉。皆由先生正大之學。昭揭乎乾坤精英之氣。彌漫乎宇宙。有不依形而立。不隨死而亡者。故其所感。乃迅異如是。昔淮水之脫也以風。溟沱之濟也以涼。天之所助。信今昔同之也。先生者。謂非德厚流光。川岳庇其遺魄。鬼神呵其不祥者耶。被擄者歸。歷歷談指。因爲之記。

說

說

110

世養齋說

濱隱子午日過余曰。子知雷陽之有東阜氏乎。余曰。雷陽爲宿遊便道。余所主者陳繼榮也。而東阜未之識也。濱隱曰。東阜有勝槩焉。屋居之左軒數楹。不村不郭。方塘半畝。雜以芰荷。筵賓訓子。晨夕聽之。則伊吾並作。與與容容。齋曰世養。余所取也。子其爲之說云。余曰。不亦善哉。古人有以世德名堂者。世養卽世德之義也。德言其成。養言其所以成也。不觀南山之木乎。臨岩倚谷。不斂不斤。春秋八百。枝蔓雲而聲撼空。得養者然也。惟人亦然。中養厥中。才養厥才。內有嚴父兄。外有賢師友。雖有不成焉者寡矣。內無嚴父兄。外無賢師友。雖有成焉者亦寡矣。是故歧可以南北。絲可以玄黃。是以君子慎之也。東阜子恬靜葆元。不求聞達。而浩遊遠覽。與物同春。蓋能自養其身者。又能貽所養以延厥世。不亦善哉。且養願未易易

言也。昔者虞有八元。世濟其美。又推而極之。周家世澤。自后稷以迄文武。培養潤積。而泰和元氣充溢宇宙間。是皆以一家之養綿。而爲天下之福。又繼此而石君之便坐。廬氏之貽安。皆能隨分量以盡其所養者。故曰、觀其所養。而天地萬物之情可見。湏知此而後養可世矣。東阜有得於此厚所養於家。推所養於世。則所以爲義方者益遠以大。綿綿爲雷陽百出。聲靈與中州比隆矣。余不佞北遊將繼觀勝槩。以探東阜子之所養何如。迺若究其所養之實。則道若大路然。東阜自得之。濱隱子曰大哉言乎。

祭文

祭文

二二

祭陸川遷學告廟文

歲次癸亥十二月，十有九日，知縣張某，謹以牲醴虔告于大成至聖先師孔子，竊聞人才係作養之功。固沾萬世之木鐸。豪傑鍾山川之秀。猶待一方之地靈。瞻茲陸川。古稱百學。南關之新學雖建。東魯之文教未興。蓋由山未相其陰陽。卜未協乎澗澗。風氣弗聚。人文始凋。廟貌未綏。教澤奚振。某等承乏守土。實用愧惶。爰集衆思。用圖改置。卜地于上街之廟。作宮于吉土之衝。採梓杞于名山。何膏神輪鬼運。揮方圓於匠室。可邀日計月成。使舊貫可仍。焉敢悖閔子既往之訓。惟改作允當。用以對夫子在天之靈。詩禮自此彬彬。科第從今彞彞。

祭伯丈陳雲峰迺翁文

惟公晚辭仕質。鈞垂江滯。古稱逸民。公無嫌矣。荆庭藹藹。橘樹陰陰。三槐

之植。植在公心。既裕厥身。亦昌厥后。如臥初綿。如堂初構。商歌七十。忽驚首丘。願事已足。公亦焉求。嗟某薄緣。披雲未遂。藍玉方雙。泰山西墜。兼葭倚玉。賴公后人。淑艾所及。奚異公存。卮酒束牲。千秋薄祖。雲慘斜陽。淚乾坏土。

代祭親家陳公文

余與尊親。崔盧舊約。德非齊偶。緣自天作。辛亥之春。村庄共酌。睹公令儀。氣溫詞慤。景昇之兒。方慶所托。涉彼桑田。變幻誰度。半世良緣。一朝徂落。子未登龍。公先化鶴。婦氏緣虧。兒行分薄。別奠一觴。牲羞非酌。登堂緬想。德音如昨。蒼水茫茫。秦雲漠漠。

祭高塘岳母文

嗚呼。父母之愛子常也。而一死一生。交情係焉亦常也。某自蚤歲。曲蒙眷顧。亦曰靈有女焉。故推愛以相及也。庚戌之後。則陵谷改移。蒼黃變幻矣。

靈也念死愈篤。其生推鳥。不改其舊。遇有譔育。靈爲湯餅。遇有計偕。靈爲餽膳。遇有婚嫁。靈爲結褵。遇有凶喪。靈爲弔賻。感獲器用。日夕在傍。鷄黍寒暄。往來不輟。某忍一日忘靈哉。幕府君以英年註選。贊畫參謀。方期養就鼎鐘。欣承宦邸也。詎意人有所謁。天不遐遺。西粵之服政方新。南海之計督遽赴耶。嗚呼哀哉。靈今已矣。彤儀難又。懿範尙存。嚴可以斷孟杼。勤可以繼姜績。睦可以聯姻婭。慈可以鞠子孫。而料理周詳。又可以脩內治。而助家理。子以懸綬。不爲不榮。年幾古稀。不爲不壽。人間福履。靈無媿矣。所可恨者靈有二女。相繼短折。居常省候。必西向而哭曰。吾女安在。胡不偕歸也。每哭必哀。哀必痛。西河之子。猶且以子喪明。況在靈者。又何惡其傷於毀耶。鬱結既沉。轉加眩暈。而天年竟以永世矣。可勝慨哉。歲月有時。若堂將即。某以陽九之遙。覆巢剝膚。執紼未申。伏枕抱泣。遺子辭辭。何以伸情事於萬一耶。淡水悠悠兮。海濫茫茫。雲歸漠野兮。鶴唳秋霜。執杯捲而長涕兮。假瘡縣以彷徨。申薄祖於東甞兮。冀九原之可

將。念千秋之永訣兮。展恒幹以洋洋。

祭宜人鍾母表姑母吳氏文

惟靈禮循內則。作配名門。顯允夫子。鄉舉薦賢。不弔昊天。良緣蚤折。嗟矣宜人。秋霜凜烈。歸鄕有紀。還陰有荀。斷杼嘗膽。撫鞠參軍。惟此參軍。忠勤敦歷。帝曰嘉止。龍章有爽。周勵督府。諱念霜齡。九霄還翮。萬里陳情。五鼎時將。百福咸萃。簾景萱庭。下報無媿。既昌既邁。軼後煥前。人曰已足。某曰不然。萬古綱常。惟忠與烈。馳封雖寵。旌表未殫。風聲誰樹。儉德何錙。人綱人紀。時念時憫。某諒宜人。先其大者。曰壽曰榮。靈之餘也。參軍曰咨。我心孔棘。惺惺未銘。負此罔極。九原別淚。一東生芻。搗詞紀實。竊附栢舟。

代家父祭青山岳父文

惟靈古貌古心。人綱人紀。憤飲上流。飄然仙侶。鬱鬱青山。采采紫英。既繁

茲羽。亦享遐齡。執手同歸。福已倖厚。背樹如新。園澤猶舊。中年喪女。某數之奇。樹有枯葉。公亦奚虧。載道靈輜。行人拭淚。梁木其頽。泰山西墜。沉思厚德。白首難忘。卮酒薄奠。芳草斜陽。

祈雨文

歲次辛亥正月。至三月不雨。民咸疾首。下土之臣張子翼。鳩衆而零乙。訴於雨師。吁嗟。吁嗟。民窮徹骨。色菜碧懸。鑠金千里。滌野鹹塵。穎焦側視。川涸鮐憐。如嬰待哺。若火之炎。竊聞之天之愛民甚矣。豈其震怒降割。而不恤此生黔。吁嗟。吁嗟。焚疴疎矣。徙市茫然。哀此下土。無計瞻延。仁惟雨師。陰隲有民。雲蒸雷震。惠此連綿。如珠如玉。大滋有年。曾喜亨之足志。感帝德於忘言。吁嗟。吁嗟。惟神休焉。

詞

魚不食詞四首送栢山

魚不食、倚江磯。天頭雲樹晚依微。五湖煙艇雨霏霏。七月八月鱸魚肥。六
物不具知者誰。君不見、玄真子。斜風江上一簑衣。春來春去不知歸。
魚不食、倚江干。除盡人間行路難。青山白石水漫漫。頓覺此身天地寬。釣
絲遠拂青瑯玕。君不見、羊裘子。桐江江上一綸竿。漢家九鼎安如磐。
魚不食、倚江皋。起弄山月霜天高。商歌激烈聲長號。仰俯天地此生豪。釣
出三山繫六鰲。君不見、磻谿子。鷹揚八十奮時髦。何如東海趁春濤。
魚不食、倚江渚。世事忘機如蕉鹿。有時止飲山頭嶺。抱氣冲冲叩其角。爍
爍歌聲振窮谷。君不見、栢山子。一輪明月一竿竹。長嘯長江江水綠。

賦

賦

二六

喜雨賦

三月之望既零已酉大雨越二日復雨民咸
鼓躍欣若甦生賦喜雨

賢鴻蒙之既判。迴二氣之摩宣。風動兮兌說。雨潤兮日暄。大塊陶物。孰探
機旋。或均調於時當。或沴戾於度愆。人事氣化。桴鼓相關。我思古人。永有
明憲。下軫民艱。上滌天變。或身代於桑林。或露禱於便殿。或膳徹於歲稔。
或嗜膳於雲漢。皆念重於蒸生。故誠竭於捍患。或車隨於陳轂。或井湧於耿
恭。或炎息於喉飲。或澤沛於滴鬢。或違符於蜚錫。或表應於池龍。皆一時
之膏澤。咸仰贊乎神工。其有充耳於是者。乃暴徙於庭市。乃侈禪於乾封。
乃竊技於虎竭。乃歛怨於桑弘。是皆岐天人於遠邇不足。以作天旱之商

張 事 軒 摘 稿

霖也。巍巍島嶼。中環海若。五指摩空。七星撲落。森茲曾黎。潢池奮臂。靈氣所臻。惟民之瘼。往矣秋颺。今茲春飈。蔽飄煙。燦金石。竭川原。濯林麓。逼焦赭於千里。民領領其憂色。爾乃莫春之晦。宇寰蒸密。駿鳥斂芒。雷隱隱而北起。雲夾夾以南翔。葉翩翩而振落。風號號而森狂。童子疾走而報予曰。天氣甚黑。有零自東。商羊舞矣。薄海其震。予廼排戶而窺。整衿而待。惟恐時澤之不我及也。已而擣陰氣。霽浮空。翻燕石。騰飛鴻。初震響於潞。既霹靂而滂霑。綿長鞭於列缺。馳雲御於豐隆。羣孤垓之鳴鶴。掛飲海之長虹。不崇朝而霑足。流百川之溶溶。已霽而決澗焉。麥穎於嚳。農欣於野。工競於肆。旅歌於途。魚乘流以泳法。鳥結羣而頻呼。若跂而屢。若蓐而蘇。若飢而哺。若寒而襦。蓋蠢蠢動植。而咸得其宜也。農老扶策而告余曰。慶哉。登登乎茲雨也。不開先於礎潤。不占象於畢離。肆中天之霖霽。遂千里而滂沱。昔者景公三言。一退營壑。亦有孝誠。洴泉湧出。意者稽祝之懇誠乎。而何流澤之翕忽也。余曰子誠神龜之知也。夫天地之大德。以生物而爲

心。豈疾呼而籲訴。不昭赫於照臨。雖氣機之感疾。亦當憫惻其蒙瞶而呻吟。且六合之內。糾錯相紛。銅鑄萬物。映北無垠。孰降而雨。孰浮而雲。孰亢而旱。孰榮而氣。皆氣機之所體。亦疇測其抵根。雖余爾於萬象。均忘化於玄牝之門。農老長揖而退。余乃隱几蕭然靜觀無極。拂庭草之欣妍。若偕余而自得。

雙節賦

東洲李公撰待御蕭公陳李二母雙節傳。君子曰。匪直顯揚。重彞教也。夫儒者於古今懿行。患非知。知之矣。患弗傳。茲撰也。當列之管彤。播之遐裔。俾同是心者。有所嚮慕而興起。觀風者之所宜先也。爰賦以詡之。

惟乾坤之覆載兮。稟正氣於蒸靈。下秉繩於嵩嶽兮。上昭列於日星。矢精專於肝鬲兮。歷擢敗而愈明。振地維之既闕兮。扶天柱之將傾。徵信嬖於要渺

兮。塞吏志於滄溟。豈丈人之厲節兮。尙惟女德之幽貞。嗟二母之金玉兮。羌獨聚於一門。陳豈介於離裏兮。李奚戀於孤嫠。念一終而罔替兮。雖九死其難更。死者作於九原兮。信超特而莫朋。烏孫關爲黃鶴兮。文姬忿於窮停。祭操戈以戕糾兮。羸奉匱於逃秦。咸忍尤而抑志兮。與濁世而胥淪。鮑靈汲於鹿車兮。梁稚髫於溺陵。趙姬賢以讓隗兮。樂羊義而捐臧。茲坦路以好脩兮。又奚擇於寒歲之凋零。荀尸還於陰氏兮。桓耳刑以自銘。王姑漬血於楓嶺兮。曹娥勇逝於江之濱。茲慷慨於意氣之偶兮。夫何信節於履歷之從容。吁嗟嘻嘻二母兮。信不可以日語而年同。皇天不靳於伯道兮。眷諸孤之淑靈。雙節豈鑒於程杵兮。存趙氏之在嬰。惟大義之不可改兮。又遑恤夫餓死與殘生。方良人之既逝兮。慨形影之相伶。獨鶴悲於蕙帳兮。愁猿號於雕甍。懸明月而自照兮。撲清夜之流螢。望中庭之藹藹兮。噤三五之在東。衆不可以爲聊賴兮。徐撫孤而織絳。忽相仍兮早嘆兮。何天降之難禁。申佩褻以自誓兮。抱激烈之長吟。照清芳於桂水兮。汨千歲其同心。陳偉扁於

張 事 軒 摘 稿

憲額兮。李褒贈於纓簪。紹歸鄢之絕簡兮。嗣栢舟之徽音。惟范滂之有母兮。汪德馨之夙成。紛紫綬之若若兮。鳴珂佩之琤琤。持王命以駐節兮。時攬轡而澄清。遍觀風於天下兮。忽佇首於白雲。悲風木之既墜兮。慨貞軌之如存。彼化者奚處於聲譽兮。懼來者之無聞。嗟才疎於宋玉兮。愧行遠之弗文。吁嗟二母已矣兮。播芳躋於瀚漠之濱。惟皇明之御極兮。洗文物之膻臙。有俞氏之子母兮。獨並麗夫休名。曠于今而僅見兮。信聖世之芝蘭。豈秀毓於織眉兮。信化始於太姒。惟龍章之赫奕兮。肆閭里之表旌。雖百世而興起兮。革濤澆而還淳。余獨念余逢矢兮。羌獨媿夫婦人。緬改錯而周容兮。竟昌彼而汨陳。縱耳目以敗類兮。何以對此靈均。尙捲卷而擊節兮。用耿耿而自箴。亂曰。堪與俯仰。塊無垠兮。人靈萬象。厥惟心兮。我思古人。不可見兮。吁嗟二母。女之憲兮。惟陳有孫。荀之龍兮。惟李有子。邦之禎兮。真純累奕。光世宵兮。烈烈中饋。發源長兮。忠臣烈女。不可歧而二兮。先民有言。吾將以爲類兮。

五言古

春寒

三陽入星紀。萬里寒威逼。遲日何其凄。同雲淡無色。避戶谷回飈。幽林鳥
飲翼。茅鷄午不鳴。屋鳥時不食。凋謝時防花。淪陵憂害稷。龍蛇轉蟄深。牛
羊歸逕黑。去去任飄零。行行歌偈側。氣候紀東南。風色看西北。災荒尙
如此。邊聲況絕域。碧樹掩長楊。黃塵動荆棘。宮中落便乾。民間凍豈識。爐
火擁妻兒。感傷中心盡。

贈海剛峯章堂貞節卷

世道已波瀾。汨汨江長瀉。砥柱屹懸梁。誰是中流者。秋霜撼陵谷。艱哉慈
母寡。斜月照孤幃。蒼鼠落殘瓦。綉綰誓如初。課兒淚盈把。宣文還隔幃。潯
陽時却昨。薄俗此挽回。內則今陶冶。令子奮桑弧。聲名動朝野。鄰卜喜王

翰。弩負卑司馬。積善慶所餘。造物不忍舍。聖世重綱常。優詔將南下。列傳昭管彤。謳歌增大雅。嗟哉賢母心。褒旌非所假。千年桂水清。應照寒山舍。

感懷

世道已翻雲。人情多下石。笑語何芝蘭。胸次叢荆棘。所以高允心。猶恐負黑翟。然諾重千金。懷哉不可得。

代友人送別

送子別江滸。江迫雲浮浮。豈無別離酒。思子不能酬。岸北歸蕉笛。三弄山之幽。有懷正蕭瑟。何日慰淹留。

七言古

孔釋抱送圖送王忠銘

君不見、水晶之子生絕奇。乾坤覆載無窮期。龜蒙絡繹漚沚。泰山盤鬱糾
青徐。闕里雖傳篤生地。尼山應記禪禪時。莫道西天無善果。却於東魯有乘
除。中甫昔殊嵩嶽降。傳說今看星宿離。從此人間渥注種。多緣天上麒麟兒。
。天入南溟連地脉。東連建水連且漪。尖峯矗矗凌霄漢。金鷄宛宛走蛟螭。
。阜鍾奇氣穿龜竇。江留古蹟壅清泥。誕生異質歸青鎖。秀出雄文入鳳池。地
靈自古人多傑。善積由來慶所餘。膠漆襟期傾海宇。雲龍意氣動親知。共
傳荀氏龍初聚。誰云仙果子生遲。河東瑞麗徵玄鳳。馬氏賢良數白眉。周雅
便須庶振振。史臣應自謬疑疑。騷人鬱悵忻搗賦。盡史繽紛預獻圖。

栗園歌遺王肖陽

去矣歸曰撥空谷。帶月荷鋤忙種粟。荔陰宛宛牛力健。春雨濛濛土膏沃。

芒鞋若笠爲誰忙。芳畦一一抽新綠。陰連蒼翠建江濱。也向藍田種美玉。君於世藉本通儒。十五年前薦賢書。相如獻賦擬金馬。曼倩待詔入公車。誰謂璫溪還未遇。出匣干將長淬礪。清宵課子慣然藜。曉日呼童多樹藝。臨上秋來遍地黃。沐雨櫛風何太忙。蘇君謾道無負郭。孔明始信有南陽。古來王業重衣食。有田陽羨豈易得。爾時乘屋急桑榆。異日臨軒陳稼穡。我亦張堪是後身。平生意氣落風塵。柴桑寄傲惟山海。錦里全收只葛巾。九日風高雲出岫。江花江草簇如纈。一登一眺也含情。千壑千峯爭獻秀。世誼悠悠獨向君。看星按劍詎堪論。忘形苦思湏雙局。擊鼓催花共一尊。百斛丁寧已貫朽。會看東築湏造酒。餽我從事有青州。莫作先生一鳥有。

依太司成忠銘韻哭伯丈孝銘暨孺子莫氏

海上忽驚雙旅計。親故聞耗泣如注。經筵退食寫哀詞。九歌壹似懸河訴。孔懷千里情未舒。臨殮不覺發長吁。浮雲世事原多幻。鬱結衷腸轉似痴。身世

張 事 軒 稿

茫茫藏不蚤。今古要離三尺草。東海豈能遏逝波。西施誰復揮餘杲。枕上黃
梁夢寐間。修文地下何漫漫。蒿里雲深埋玉樹。魂靈歌殘裂肺肝。吁嗟孝銘
遽止此。天潢無知諒誰語。齡長總短竟何裨。燕壁秦關良自苦。郎佩難招月
下魂。空道總韓向黃昏。春生池草聊成夢。鶴唳霜天不可聞。黃塵碧水真難
測。兼葭倚玉情何極。我亦啣環未報君。慇懃更向楚些悉。憶曾結構爲兒
曹。獨慚齊大恐媒勞。羣議於公最相協。締緣奚阻鳩嗃嗃。奕世藍田多遠
籍。從此定祥馮月下。魯水遙憐贈別時。建江追記欣娛夜。薛家彩鳳最聯
翩。天衢繼序相周旋。羯末封胡嗣世系。以古方今何間然。平生耿耿負奇
氣。宇宙翻爲分內事。然藜文史惜三餘。倚馬才華高七步。蘭臺思欲紹鴻
休。翻山千里厲橫秋。辭家敢恤風塵苦。仗劍兼爲竹帛謀。嗣徽夫人偕氏
莫。尖嶺之陽曰望族。克相可以媲美顏。清操不啻如冰玉。爾來族次效辛
勤。鷄鳴遯遯告溫溫。懸知尺繩初繫日。亦仗夫人有裏言。田家荊樹念同
宵。濟濟雍雍又蕭蕭。實有姜被共寒暄。豈如漢家春斗粟。曼倩金馬豈隱

淪。兵廚伯氏最相親。鵲行鴈序無燕粵。弟勸兄酬似主賓。二仲延佇意更
歎。星河忽逐流光轉。屈指風帆計驛程。樓前只擬斟常滿。詎意泉臺成永
別。昂霄梓杞俄中折。夫人先逝公已隨。前緣更向鄧都結。太史雖懷三載
餘。遙睇天南只劍書。一生世業成烏有。半世功名賦子虛。嘗瞻懸壺何所
用。劫灰盡付南柯夢。鄉評最惜龍元龍。卜后猶殊石貽仰。間關惟有仲兄
來。長幹最殿向書齋。連牀不覺更籌永。望柩何曾笑眼開。華堂何處追欣
晏。蘇韶無地重相見。駒影真從隙裏過。鶴飛徒向原中羨。過客從來不易
邀。風飄雨驟不終朝。三十年餘何僅僅。八千里外更寥寥。人生誰不遘陽
九。丘首只爭先與後。孤兒未育名未成。物論於公會厭否。屬纊幸有伯在
傍。萬里骨肉相扶將。家鄉回首知何處。行路聞之亦慨慷。京邸憂危曾遣
僕。悲傷不覺公慙慙。力疾猶能強致書。書中後事慘惓惓。太史捧之不忍
忘。臨風祇自增悲傷。江州司馬擬長恨。海天寄我一哀章。公於塵世渾如
寄。精英猶在佛光寺。從容召賦上玉樓。西天苦海何須避。公於昆季盡堪

憑。豈論彘羽暨螟蛉。死者復生生不媿。泉路知公目已嘔。世德可傳還可繼。奕奕書香豈墜地。樵遊牧唱且隨緣。春雨秋霜永弗替。青青隨上有圭田。千年煙火自綿綿。縱於氣數曾乖舛。却多人事肯周全。區區株守如匏繫。世上彭殤只一致。誰能白日生羽翰。想當乘此終歸去。除城鬱鬱雨瀟瀟。瓊海歸魂萬里遙。故鄉恒幹應棲止。帝遣巫陽不用招。嗟公此生長已矣。須悟莊生齊物理。古往今來逆旅間。水碧山青秋色裡。

題濱隱孔雀牡丹圖

良工奪巧恣幽獨。手執青湘展素幅。已從天上摘繁星。又向林間揮羽族。咫尺閑開孔雀屏。尋常便寫牡丹簇。淡如西子素粧時。濃似楊妃初睡足。春心促促蝶和蜂。生意紛紛紅間綠。突兀崎嶇石繡苔。綢繆變幻雲爲幄。畫工寫形又寫意。誰識丹心苦獨至。春鶯催曉箇箇忙。秋兔顧影雙雙憩。粉本曾訝鶴騰空。點晴却恐龍飛去。我從林下一探奇。到眼不覺開胸臆。細推物理妙

入神。惟此丹青太逼真。滿園凋謝有桃李。四時結翠只松筠。青山得意花與鳥。共看年年春不老。吁嗟乎。共看年年春不老。妙手真能奪大造。

五言絕

雨中寓多尋山莊

偶簡杜工部一徑野花香
似村春水生句即學十韻

其一 一韻

峯頭雲樹微。竹裏椰陰密。牛背走兒童。村莊誰第一。

其二 一徑韻

燕語青春深。花飛白日靜。村春細雨來。別業開三徑。

其三 野韻

隴上簑笠翁。禮度何其野。花落不知秋。却笑王侯假。

其四 花韻

連封多沃土。跨海盡漁家。挂月椰椰影。映山桐刺花。

其五 落韻

五言絕

遠峯列石城。衆水護山郭。禾黍遍郊原。鷄聲暗籬落。

其六孤韻

楓葉藏蛋雨。春江作畫圖。谷迴諸徑淺。天遠數峯孤。

其七村韻

碧草侵環堵。江月蘸柴門。三咽誰家笛。孤砧何處村。

其八春韻

天籟涼生竹。山鳩鳴向人。偶逢社日鼓。識破隴頭春。

其九水韻

細雨送秋聲。明蟾競春蕰。不見繞梁人。相思隔江水。

其十生韻

地園炊烟集。年登米價輕。不知寬一分。猶似枉平生。

七言絕

送陳仰坡景仁昆季八首

君家賜姓自姚虞。上舍學生上諫書。世系綿綿昌海岱。英聲濟濟動鄉閭。
少年昆季靈輝燿。自古元方又季方。宋氏風流今不遠。蘇家文史更誰強。
從遊函丈爲離經。自媿生兄盡景升。信到銅鑪無棄物。敢於藜火附傳燈。
窻開曉日荔陰濃。几逐薰風竹翠重。筆夢江淹添五彩。文思曼倩足三冬。
十載芸窻作臥龍。三春柳色映桃紅。驪逢伯樂群空北。經授康成道已東。
橫經徹夜多程石。草閣從人數問奇。滿座春風來玉案。一天時雨下蓮池。
雲龍夔夔聲交歎。話到分歧去住難。天入渭陽將戀戀。路當烏石水漫漫。
侵墉歷歷池邊雨。結蓋亭亭隴上雲。抱病山齋頻徙倚。不堪鴻雁暫離羣。

林介石送磁蓮盆喜賦二首

衡門盡日抱清虛。日午猶翻種樹書。從此盆荷開夏日。儂懷惟有葛天如。

張

事

軒

摘

稿

感懷四首

石鼎何年勒篆文。煙花大半落苔痕。草堂一入誰爲主。詩句何妨改謝墩。
酒能養病懷偏拙。老愛看書目易昏。世事相違成寂寞。不堪惆悵倚柴門。
書批滿篋從兒嬾。徑隱通衢任客疎。漸老看花成底事。暮雲天遠獨愁予。
農家歲熟兒猶哭。海上兵添賊豈堪。抱病杞人曾過計。春風疑不到天南。
清瀾海上血流盈。水寨猶屯防守兵。反側楊么渾未定。未知何日見澄清。

華堂天曉歌爲年丈居泉誕子作

漢家獲鼎已名年。寶篆光傳出海邊。柱下金瓊君信不。有文掌上尚依然。
十里波光四面開。清秋銅鼓接蓬萊。嵩雲自昔鍾申甫。奇句于今產異才。
座上嶺雲歸石峒。尊前漁火照江蘿。主翁抱子渾無事。點破江山數局茶。
充園喜氣接歌長。江上歌聲皆繞梁。渺渺輕舟追范蠡。徐徐雲雨賦高唐。
百年事業此懸瓠。倚席彈冠更獻圖。欲比荷家齊淑爽。先於屏上指之無。

張 事 軒 摘 稿

漁

清瀾海上綠於雲。照上看雲坐夕曛。炯炯辰星勞望氣。彬彬詩禮萃人文。草堂四壁繞圖書。沈澁松風曳短裾。解組賦歸生事足。老懷惟有葛天如。

樵

蒼茫慣宿江湖雨。汗漫長浮天地槎。夜夜絲絃給收巨口。前灘呼酒送生涯。

耕

眼底岡山皆故主。擔頭天地一閑人。此生不用平津策。笑負初心有買臣。

牧

蚤向南山除燕穢。更從負郭饒菑畲。長吟却笑南陽子。三顧何勞到草廬。

叩角冲冲短笛吹。此心不係得牛肥。行人笑問儂何事。日出山岑日暮歸。

九菴蓮圖

一訣千金是九思。丹青獨羨奪胎奇。畫前若解先天意。始信羹牆有仲尼。

携琴訪友圖

松下迢迢一逕尋。絲桐自昔喜知音。丹青獨解無絃意。曲奏薰風太古心。

三水即事時有兵船

城郭曉煙人避戶。沙灣淺水客停舟。秋毫難道渾無犯。烽火驚心說未休。將軍陣馬載樓船。夜渡潛移泊水邊。迅掃何時傳露布。杞人竊懼有凶年。

江漲一首

一夜水聲一丈騰。下江如箭上如登。世間兩利真難事。駁歷從今感慨增。

自良山中

沿澗穿溪一徑長。拂雲暗樹鬱蒼蒼。絕幽疑是天台境。隔水蟬聲送午涼。

過梅藍

官路迢迢榕樹標。眼前叢麥倚青郊。笑予林下忙何事。三過梅藍底自嘲。

張 事 軒 摘 稿

五言律

寒雨二首

寒雨苦不止。同雲滿太虛。滴滴花易綻。脉脉歲將除。亭客徐添火。扇門嬾著書。有懷多晝寐。淒寂欲何如。

雨寒霜氣襲。風急晝雲垂。歲暮陰陽短。庭空鳥雀饑。愁來詩未遣。老去鬢先知。奇字無人問。清齋信杖藜。

人日

紀時逢七日。雲物半陰晴。世事每如此。春風豈世情。流泉田澗落。當戶岫雲橫。生事甘踈曠。江山結歲盟。

與甘文峯程質齋之建江卽事

冥色衝寒雨。涼風度淺沙。村橋歸晚棹。江浦噪昏鴉。牧笛聲初渺。橋驢思轉賒。親知今並轡。談笑挹霜華。

贈李貞宇

張
雀喚人初至。披襟夜向闌。價原燕市重。孟衛粵中寬。秋圃窺黃菊。春衣組紫蘭。江淹辭日富。彩筆夢中看。

建江阻雨

事
穆雨何大劇。秋雲不肯明。雷霆驅魍魎。籬落乏鷄鶩。撥悶窮詩骨。衝泥拚酒兵。懷人多寂寞。徙倚向江城。

建江阻漲

摘
秋水來天地。江波傾呂梁。臨流天有壑。欲濟河無航。世路每如此。人情安可量。淹留幽思積。長嘯發清狂。

九日

稿
九日人間節。憑高何處登。山中甘寂寞。歲序任凋零。髮短羞簪菊。堂虛酷似僧。牛山成往事。吾計只東陵。

枯柳

先祖移居植柳成林八十餘載、僅存其四、今秋忽枯二株、感而賦之

酒樹天涯種。經秋擁華門。松筠推玉液。風雨妬孤根。垂老肝腸折。先人手澤存。東園山月吐。猶憶掛梢痕。

與沈迎川石圃王省陽會竹峯府時新月初霽

卽事

開簾諸老會。載魄一彎初。寂寂流雲外。纖纖密蔭餘。共憐人莫逆。休問夜何如。暫阻南頭轡。幽懷尚未舒。

曉行

丙午夏、翼與季父子賓、兄吉甫、抵城黎村暮矣、老者揖而館

之、曰、余有好夢兆、歇至夜分、此老亦解詩、相贈有緣暫宿鳳
凰臺之句、因各賦曉行卽事、後果以捷秋應兆云、

萬里暝煙靜。行人思不禁。釣船猶傍竹。山鳥未辭林。月照風生袖。星懸露
濕襟。鳳凰臺上咏。休作憶山吟。

山莊卽事

龍岡眠半月。石嶺出朝霞。遠水分還合。環山正復斜。椰椰森遠近。鷄犬接
田家。樂土兒吹笛。村莊興正賒。

栢山劉工部送已上人韻次之

松風聊住杖。秋雨細論詩。日轉榔陰午。雲留客坐遲。榮枯驚塞馬。歲月看
遊絲。綠水供垂釣。誰聯江上詞。

登栢山白水湖山舍四首

望氣開新麓。誅茅結草窩。水從方丈落。山似若耶多。白髮呦呦侶。青尊浩



張 事 軒 摘 稿

浩歌。洞門無俗事。長日掛魚簑。

龍盤白水地。上有堯夫窩。赤脚春遊壯。青山晚眺多。垂綸無俗事。扣角有長歌。江上斜風雨。玄真穩舊蓑。

清遊移白晝。翹首見龍窩。驟雨雲雷合。晴江魚鳥多。長杯還自遣。短袂不須歌。憑眺金臺近。江門未掛蓑。

誰是子真谷。瑤林一畝窩。禪關看晝永。勝會得春多。喜和陽春曲。時聞水調歌。眼窮今古闊。煙雨幾番蓑。

熱水亭

列岫層巒戟。溫泉決溜渠。山川瀟灑氣。天地此洪爐。溥博心源闊。炎涼世味殊。近寒堪煖浴。萬里慰征途。

覬岡舟中用姚侍御韻書懷

擊楫寒山月。高歌旅興增。黃雲連紫水。漁火伴螢燈。曙色明沙迥。煙圖入畫層。東南催去旆。子至曉霞蒸。

江山盤鬱壯。世路感懷增。旅憩雲爲席。灘明月是燈。東瞻天五尺。南跨嶺千層。夜色看牛斗。分明劍氣蒸。

遺表叔馮石塘縣尉二首

作客楚天遠。同官粵嶠邊。獨憐霞倚玉。報最政聞絃。漁火明深夜。江村起暮烟。海天家何處。雲物總凄然。

暫停東楚轡。更溯北流江。草色迷孤嶼。清光接大邦。石鑿無積吏。村落少驚虻。夾岸汀花發。遙遙送去轡。

鬱林四月見荔

楓葉藏梅雨。新紅綴綠柯。鄉心看汝在。旅食恨吾多。開國傳枸醬。荒台指樹陀。楚猿兼粵鳥。頻喚奈如何。

文家人感文山事 鬱林人文山之後

秀野開堂舊。簪纓捧匣新。粵南求世系。宋室一孤臣。千里還喪日。三朝報

主身。春來看杜宇。帶血瘰江濱。

秋雨

淫雨苦不止。山谿溜決隄。夏苗渾在水。秋稼總成泥。洪範推災異。衡門只杖藜。有懷多抱病。無計學鷄棲。

龍窩雨途即事寄迎川肖陽五首

積雨迷山谷。秋田半草萊。岡連村牧下。鳥拂凍雲來。時序悲黃葉。花陰長綠苔。懷人江浦上。松下欲徘徊。

林間風瑟瑟。山上雨霏霏。荒徑三家集。疎林一鳥歸。天寒雲慘淡。江迥樹依微。長嘯青陰合。彈冠白羽飛。

久爲林泉嬾。今胡夜雨來。偏將知己夢。一向故人開。細柳虛前府。平津有漢才。竹降勞遠炬。拚醉習池廻。

逕黑泥偏滑。人疲路更遙。衝寒誰喚酒。出險漸停橈。雪與無明月。詩懷減

潘橋。相携喜兒輩。昏暮屢相招。

夜爾忙如此。涼風動遠吟。雲龍懷舊侶。流水待知音。千古逍遙夢。百年兒女心。丈夫期意氣。尊酒喜同斟。

江漲

迅雷傾澍雨。溪吼漲驚濤。水鳥浮天闊。游鱗倚浪高。順流歌棹易。截葦泝舟勞。無限觀瀾意。浮雲與逝滔。

五言排律

題黃會川退谷卷

樊口懸江迥。寒溪帶谷斜。捫蘿堪住杖。仄徑不容車。雪暗山陰舫。煙深處士家。樅實含地鎖。松檜閼年華。南郭徐耽鹿。東門憶種瓜。地容湖海側。春比武陵除。綺里能辭漢。元真盡痼痼。知雄機已黜。守黑道無差。嘲厭楊雄閣。舟聯漁父叉。丹爐方授火。歲夢忽驚蛇。逆旅難留客。盈虛總搏沙。人隨玄鶴渺。山剩白雲遮。執卷仍垂涕。臨風忽自嗟。我來尋古蹟。日暮集昏鴉。

宜章與大尹陳前峰邑博馮西郭遊良巖

怪石通山骨。幽巖湧玉泉。捫蘿深擷翠。燒燭細尋滑。法雨垂如線。崖花笑欲然。雲根渾不動。鍾乳渺難驚。古木千章集。金城百雉連。遠岡迎劍戟。活水下郊墟。六月疑無暑。諸峯別有天。客盃時泛白。僧定欲鉤玄。瀟遠孤鐘

應。聲幽一鳥傳。號林無定鹿。落樹有驚蟬。湘澤遙聯楚。關河盡拱燕。我來訪神秘。謝屐任輕便。興倚三春足。閒偷半日緣。日遲風在草。道夾柳連綿。宓父携春菜。湖蘇入綺筵。園閭還揖讓。桃李盡芳妍。雅況須拚酒。公餘日弄絃。谷神如有待。興澄謾濡箋。

明遠樓宴文學李半沙博士王雪溪用樓字韻

坐宴獨當午。舒懷共上樓。萬山收伏暑。一葉報初秋。海宇晴烟闊。乾坤翠黛浮。村春露徑小。江吟麥雲稠。井灶千家曉。園閭百雉收。東巖藏宿雨。北固隔龍湫。瀑布飛千尺。芙蓉挿九州。劍峯摩礪石。滄海揖之罍。花下琴耽鹿。林間吹傍牛。簾櫳風色定。燕雀羽毛修。楚客能歌飲。秦生本姓侯。看雲移白晝。舒嘯付滄洲。句向憑欄得。杯爲知己酬。賞心多款曲。信美竟淹留。談笑庾公月。江湖范老憂。陶陶共回首。傷思仲宣儔。

寄劉清軒同年華居泉二公

清軒戊子春元偕退不仕

南郭憑虛日。東陵縱目秋。雲飛天更闊。地縮分相投。種竹依泉石。垂綸傍渚洲。南山朋綺季。箕穎揖巢由。菊種淵明徑。煙隨范蠡舟。性真聊自適。物外竟何求。煮石羅丹鼎。揮毫向海陬。生涯甘抱甕。別業老菟裘。鄰卜歸王翰。鄉評許太丘。詩書開萬卷。宇宙豁雙眸。誰是中流者。風波肯掉頭。校書多寂寞。脫綢更夷猶。聽雨怪梁夢。隨陽只稻謀。李斯悲涸豕。莊叟笑犧牛。樵牧隨新侶。星辰憶舊遊。軒乘休羨鶴。盟結便尋鷗。入座湏拚酒。舒懷共上樓。

送王忠銘北上三十韻

冠冕開南極。文旌動海隅。琴書携故里。劍佩曳天衢。柳眼窺春細。葵心向日鋪。五雲占太史。八駿鳳皇都。青瑣蜚聲舊。銀臺入眷殊。詞臣銓玉檢。溫語下金樞。勳業緣時建。文章與道俱。寵班鄰禹禔。泰運遇唐虞。旅食休論客。彈冠肯負儒。康莊乘造父。大廈運公輸。珍席人皆寶。才名世所須。伊

川留講嶠。君實起龍圖。黃道開愈繞。蒼生望豈孤。金甌調玉燭。夜月湛冰壺。避世支真子。耽懷勒守株。松花三徑僻。靈草一庭迂。隴上眠食積。雲間羽翼晞。堪憐霞倚玉。奚啻璞於珉。野渡舟橫浦。高岡鳳產梧。千門誇伯仲。錦里結陳朱。下邑能歌郢。賓筵盡履珠。寫趨還汎汎。襲抱獨區區。使客瞻星漢。郵亭唱驪駒。無心翻水鳥。有意逐橋烏。梅芷疎官閣。榕陰覆草廬。皇風披宇宙。秋色落江湖。海闊鶯聲曉。天空鴈信紆。九天牽別夢。萬里健征途。淼矣雲霄侶。懷哉招隱徒。江亭春草碧。登眺各踟躕。

附忠銘和韻

去矣辭鄉國。參辰各一隅。悠悠念戚里。望望入天衢。景色當春媚。烟花滿道鋪。旌輿行處擁。冠蓋望中都。計日燕山隔。停雲海徼殊。願予本薄劣。遇會登華樞。文苑承人乏。清班與衆俱。許身同稷契。事主遇軒虞。青紫寧移志。章綬尚守儒。滄波何浩渺。涓滴未能輸。徒有左史技。敢希前

席須。鹽梅誠待作。楊樣恐難圖。但使圖閣泰。寧論松菊孤。夫君富瓊玖。
早歲棲蓬壺。栗里松三徑。成都桑百株。攻詩同賈儼。嗜酒類辛迂。賦罷
梁園鬼。朝回葉懸晃。理絲能結約。種玉尙探珠。松柏纏蘿蔓。鸞鳳集翠
梧。信交偕管鮑。結綬薄蕭朱。文定承筐幣。詩分滿袖珠。繫繩徵月老。占
象協夷區。寒族衛河鰓。名家義渥駒。畫屏開孔雀。玄草待童烏。對酒歌
魚麗。銜書寄鴈蘆。子牟方戀闕。范蠡已歸湖。去住情無恨。悲歡望每紆。
驅駒今在御。龍劍引長途。方朔憐予輩。元真念爾徒。加飡言自愛。分手
莫躊躇。

七言律

七言律

六〇

夏日沈石圃雲靜野邢文臺陳仰坡夜宴石圃

分韻二首

林下何人竟舊交。高軒帶雨歷荒郊。半尊遲月開花徑。午夜懸燈賦草茅。浮
白且追徐孺榻。談玄未解子雲嘲。人生聚首潭難事。索句何緣竹外敲。
談心握手細論交。衝雨何妨曉出郊。空谷有緣頻倒屣。草堂無選欲誅茅。且
憑尊酒撥幽思。未暇炎涼與世嘲。此別思君無個事。山門惟許一僧敲。

七夕會仰坡不果書懷

鵲橋天上年年度。砧杵人間處處村。已分灌園甘抱甕。何須乞巧向天孫。邊
聲漸覺防秋遠。漢使虛窮犯斗源。撫景懸燈懷往事。未蒙月下到芳尊。

稿 摘 軒 事 張

會莫志完李瑤泉甘文峰宴岳丈溫泉宅時有

歌妓在右

伏雨初收送晚涼。江南黏乳醺秋香。宦情不覺來滄海。山侶何緣入醉鄉。會有風光傳杜曲。何須雲雨賦高唐。他年待詔榮金馬。尙記彭宣鬢已霜。

文學莫志完見邀裁謝

雨蒸時序入新秋。美盡東南箭並投。清世誰憐陶處士。宦情曾是管風流。綠簑正穩玄真子。絳帳先推古建州。珍重廟廊須遠略。勳階兼爲故人酬。

送林琴士

江上携君理素琴。廣陵猶似振遺音。江山未斷鄉關夢。瓊海誰傾夜雨心。對月有緣時中酒。看花無偶獨沉吟。臨風莫唱陽關曲。雲樹迢迢隔遠林。

候仰坡不至偶成

七言律

抱病山齋坐夕曛。前林歸鳥暫催羣。霜天薄暮堆紅葉。霞氣衝寒散綺文。花
逕暝收巖谷雨。笛聲吹斷隔谿雲。六壬笑問占星者。何事歸隱歷誤君。

王肖陽雨中見訪

乍晴復落谷中雨。既去還屯嶺上雲。劍氣衝寒時攬轡。齋居莫若細論文。撚
髭旬向池塘得。却老方從靜夜分。世誼多君重間訊。不嫌丘壑日相聞。

除夕

南溟隱几劍光寒。節序難消此夜殘。荏苒韶光星物換。逍遙兒女歲時歡。塵
緣已向知非度。春信還從索笑看。最有詩懷新思逸。長彈元是隔年冠。

冬日桃華

西桃手植會冬華。春色凌霜到海涯。山入武陵誰鼓棹。雲開若水看蒸霞。三
千細數東方實。五斗今饒處士家。忽見成蹊憐著汝。頓令青鳥下枝斜。

張 事 軒 摘 稿

春日桃華齊開子結如豆喜而賦之

山齋無事學東陵。春日桃華次第生。忙引粉牆雙蝶下。閑移蟾影一輪清。謾誇陶令籬邊採。肯負劉郎去後名。留得寶垂甜似蜜。擬將芹曝獻承明。

落地桃華

東風披拂任飄零。新結離離擁翠屏。飛入草堂渾片片。照回簷日故盈盈。輕如天上霞初散。細似人間錦乍成。南北兵戈猶未息。武陵溪畔獨尋盟。

春燕

獻歲林間報早春。元宵堂上燕窺人。乍穿簾幕泥猶濕。似訴離腸語較頻。物候遙占宮柳細。葛巾重整粵臺新。自來自去堪憐汝。故壘依依伴隱淪。

江亭餞別四首送太史王忠銘北上

三春柳色催行旆。十里汀花照別筵。谷口行藏甘老廢。螭頭啓沃是華年。疏

憐陸贄緒忠赤。嘲薄楊雄爲草玄。別後風帆頻數驛。神霄北望隔雲煙。
劍氣光騰海上舟。琅聲遙委鳳池頭。江亭造次湏傾酒。鄭驛荒涼拚倚樓。舊
侶盡陪金馬貴。新恩直傍袞龍浮。經綸意氣歸青鎮。遠浦誰能不繫鷗。
建水青燈惜此筵。偶從種玉倚良緣。鄉關物色看兒女。朝野聲名附簡篇。春
興暫隨歌管細。離懷多向暮雲牽。山人舊亦雲霄侶。遙逐旌期到日邊。
南溟改纔逢春暖。北極瞻晃傍日高。芳草茸茸迎劍旆。停雲漠漠倚江皋。三
秋物候惟雙鯉。五柳吟身已二毛。事業兼爲親侶建。漁舟從此趁秋濤。

附忠銘和韻

乘槎十載念張騫。忽漫相逢已別筵。折柳一從瓊海日。種瓜幾度邵陵年。
江湖世事堪浮白。歲月空齋自理玄。縮地無因長極目。橫書愁絕薊門煙。
散髮何如范蠡舟。行藏多係白雲頭。寒光自倚雙龍劍。麗藻還裁五鳳樓。
丹鼎刀圭心上伏。赤城煙樹望中浮。海翁已自忘機事。沙際無勞避野鷗。

萬里遙分建水筵。百年初結女蘿緣。合歡喜借藍田譽。投贈應慚白雪篇。
宇內君親情並極。天涯兒女意多牽。何當姻婭過逢地。畫錦屏開孔雀邊。
風塵南望鴈鴻勞。每憶新詩別後高。弄月幾回尋釣艇。聚星何處對臨臯。
扶搖碧海看鷗背。接武青雲待鳳毛。中散知君疎嬾甚。可能書札寄山濤。

訪陳完軒不遇

春晴北郭訪元龍。槐市依依柳徑東。五夜書燈分太乙。十年詩案謝雕蟲。池
塘倒影含雲氣。睥睨當軒送晚風。谷口未緣尋舊侶。孤尊湖海鬢雙蓬。

病中寄沈石圃沈竹峯

遙瞻車馬下林丘。抱病文園可自由。燈轉三更人寂寂。門懸午日夏悠悠。驟
雷催雨乍傾谷。簾燕將雛半語樓。寤寐江亭思共榻。欲沿洲渚數輕鷗。

賀沈竹峯壽誕

山中歲熟酒盈尊。戲綵堂前慶有孫。燕入簾櫳香滿座。雀喧江滌客填門。東

瀛細數桃重結。南海今推蔗倒殘。伏枕林塘惟藥餌。漁舟未訪武陵源。

書從子正之便面

蚤窺几上壁魚篇。晚結山中綺季緣。香引榔陰風細細。清留花圃月圓圓。每於過客頻傾蓋。肯向鄰家負酒錢。子授一經君事足。三竿正好醉翁眠。

送舅弟李貞宇會試

青年東觀想燃藜。壯志應知柱久題。欲把文章揮事業。便將科第作筌蹄。椿萱獨羨齡猶健。鴻鴈堪憐羽未齊。太史奏書傳日下。泥金須蚤慰雲霓。

送王肖陽會試

世誼曾聯三十載。雲程今記九千餘。不堪抱病還分袂。肯爲將離惜引裾。荒徑偏宜陶處士。長門玉倚漢相如。燕臺得意書勤寄。江樹亭亭慰倚闌。

送邢思軒會試

漢庭詞賦重相如。負勞曾乘駟馬車。欲向九霄搏六翮。先於萬卷惜三餘。何愁華國無文史。猶喜傳家有父書。春信憑梅須蚤寄。暮雲時倚北堂闌。

送林竹溪歸鬱林兼呈陽明府

窮經老負八閩才。簡授河汾絳帳開。桃李薰風栽象郡。琴書晴日渡瓊臺。堯封按治存三異。禹穴探奇遍九垓。別酒江亭春色晚。遙從南斗望中台。

遺馮子明

每緣舊學授齊陵。自計傳衣得上乘。飛隼忽垂千里翮。懸螢虛負十年燈。獨憐南北朱曾泣。共訝玄黃墨屢憎。阮籍往途今未遠。政絃從此莫因仍。

寄唐一軒

編與人間通姓氏。只緣踪跡落江湖。偶逢高誼來山館。旋憶先翁會酒樓。三伏歲時驚在再。五更風雨集伊吾。感知君是雲霄侶。不向山中訪釣徒。

訪貞字不遇

江亭一別兩經秋。江上停雲晚更悠。楚澤思湘虛遠佩。山陰訪戴負歸舟。滄
蘭沅芷舊何恨。廊廟江湖分未投。秋水林塘光十畝。貽君杜若採芳洲。

寄陳菊莊二首

經綸意氣近何如。慧出西方事可知。垂釣正須東海闊。賦歸何用北山移。南
窗負日偏宜嬾。秋水臨流正賦詩。珍重菊莊舊知己。獨能無夢到山池。
十載風塵一劍馳。動階且莫嘆支離。介稱柳下緣三黜。名比關西爲四知。便
把丹心酬北闕。莫將黃菊負東籬。五陵冠蓋浮雲裏。關尹何勞更卜居。

和喻可寄黃有才不遇韻

久知門外雀堪羅。詎意賢郎亦厭過。雲裏山陰非訪戴。飯中鉅鹿肯忘顏。臥
聽簷雨頻移枕。望斷江雲倦撫柯。夢寐山齋懷往事。願將烏石比塘坡。

賀沈參軍馳封榮歸

帝里新承畫錦回。天章燦爛五花開。山中煖石非新侶。海上傾尊有舊醅。雲水棲遲頻得句。藥欄檢點細添裁。與君共約三秋月。醉把諸唐爲品裁。

送從弟從戎函口

汝捐儒服習戎行。鴈序分飛倍慘傷。行李蕭條僮在御。妻兒零落母誰將。離聲長滴三更雨。怨氣應飛六月霜。聞到此中多瘴癘。金鷄何日到炎荒。

九日旅懷

嚴城九日起寒烟。無客無朋只晏眠。何處瀟西追杜甫。誰家莊上有藍田。授衣始覺催邊信。落帽何妨倚醉筵。人事天時成寂寞。牛山今古淚潸然。

送張古豪歸甌寧二首

江上西風吹白蘋。宦鄉歸思動秋旻。尊開北海無新好。松入南園有主人。琴

鶴遠隨清獻旂。蘭絲誰庇晉陽民。口碑到處傳陵谷。碧海重瞻現首春。
南建旬宣最有聲。尊開江閣志澄清。民情不啻碑羊叔。宦況何如傳買生。自
古隋珠曾按劍。于今鄧谷且逃名。感君世事堪惆悵。肯爲清流便濯纓。

與雲靜野鍾冲字同携用扇韻

山中何意亦冠裳。携手臨歧覺話長。馬渡晴橋衝野色。兔分仙桂摘秋香。雲
翻石峒經瑤草。珠探龍宮得夜光。二妙相逢緣不淺。石渠今有漢文章。

賀文銘德銘遙想思銘親家賦此

瑤聲遙出鳳池頭。倚席彈冠喜氣周。萬里風雲瞻北極。九霄花萼壯南樓。秦
關盡拱飛鸞外。漢署堪憐並轡秋。莫向長安添別恨。冰天旭日照炎洲。

寓文銘書館

別開清館展山陽。在御琴書白晝長。五夜燈花郎授簡。一尊風雨客飛觴。松
筠藹藹宜精舍。鳳雅恢恢想玉堂。山谷有懷傾信宿。兼葭眞箇倚琳琅。

盆梅忽抽長故尋許始華喜而賦之

曾向山亭手自栽。盤根傍石半生苔。初驚翠幹凌霄直。忽訝疎英破雪開。倚檻獨憐春信早。巡簷遲覺暗香來。老來種樹無他計。勝負尊前日幾迴。

登王文銘高明樓四景

高閣臨江俯玉臺。春宵乘興此躋攀。窗分曙色玲瓏裏。山帶晴雲靄靄間。雨淨綠楊穿別塢。舟移紅蓼下前灣。主翁杯酒尋仙侶。時有鸞笙入佩環。春景
海天時序入南訛。避暑賓朋取次過。江上闌闊就晝永。空中樓閣受風多。夏景
花玉笛回楊柳。倚檻卿雲襲芰荷。梅雨初黃蒲泛白。援琴遲聽有虞歌。夏景
清秋清嘯欲登臺。爽氣悠然四望開。繡闥繽紛富睥睨。晴江隱約見蓬萊。秋景
鱸膺採南中有。鴻鴈遙瞻北地來。莫比仲宣登賦日。前驅曾是故鄉回。秋景
海上瓊樓碧透紗。當爐掃葉細烹茶。秦陶不數荆王被。羣妓無論太尉家。最喜衝寒無俗客。更欣索笑有梅花。山人自是山陰侶。訪戴乘流興未涯。冬景

寄邢用鳴

晚來愁緒向誰開。句對花陰只漫裁。雲淡江天沉隻鯉。霜連秋宇點荒苔。村城有雨門常掩。山館無人月自來。何日携遊還秉燭。百年盡醉掌中杯。

送王時中歸隱侍養

招隱長辭世上名。臨流歸去濯長纓。春韓語燕人初暖。秋圃栽蔬月正明。自古瞻雲多攬轡。只今抗表續陳情。燕臺老我空惡夢。鄭谷遲君晚結盟。

迎栢山

柴門日日倚雲開。風落霜襟點翠苔。山帶寒煙含雨過。畦連秋水挾鴈來。談玄正訝楊雄閑。覓句須憐子建才。花下久懸高士榻。遙聽車馬到蒿萊。

員墩書館贈邢公

人間何處有蓬瀛。水色山光護短楹。晚結草廬無俗事。細穿螢火有書聲。一經遣子千金重。斗酒迎賓半榻清。春暖舞雩童冠集。松陰徐聽早鶯鳴。

張 事 軒 摘 稿

謁栢山途述

荏苒薰風麗日遲。尋真直到武陵谿。客來哇噀春花笑。人傍松根山鳥啼。隨笛一聲江月小。磯綸數尺曉雲低。三秋綠水今猶健。謝展陶巾信杖藜。

程易軒八景迴文

窗綺綠荷涼午夏。几遙青竹護前檐。雙雙鷺宿晴林翠。疊疊峰回晚樹青。荏轉魚聲兒隔籬。水隨花泛客交觥。江搖白藻分魚躍。野遍黃雲曉種秔。

別蔡醫士赴武昌

十年京國風塵舊。五月沅湘草閣涼。抱病儒冠羞短缺。逃名高士襲青囊。雲生石磴攀瑤草。月照丹爐檢秘方。早晚看君多感慨。誰憑天下起痾瘡。

送金三江二尹歸無錫

解組離亭送夕暉。哲人秋思趁臙肥。好憑歲月邀猿鶴。莫向行藏認是非。鄂

浩春生還浩蕩。吳江晚樹尙依微。充充世界忙忙裏。煙艇聞君此日歸。

寓宜章寄武昌彭養忠

原知原憲道非窮。久在陰中識臥龍。燈向壁穿勞五夜。網從韋絕富三冬。停雲霰霰傾崑谷。官柳依依夾岸容。回首西山共論劍。鳳臺何日憶重逢。

寄胡我溪昆仲

萬松亭下寒溪橋。走馬衝泥苦折腰。下榻何曾嫌造次。登堂原不費招邀。入簾庭草連荆樹。出谷鶯聲遍柳條。眼底江山分楚越。迎恩樓上夢魂遙。

寄錢洞潯

康成事業老傳經。十載松花點雪檉。瑤草忽當盈舊篋。寶刀擬待發新硯。道能守黑還知白。色訝出藍常倍青。早晚鳳臺知有識。泥金應爲寄南溟。

途中次同年黃韋軒遊南岳不果韻

遠携書劍渡三湘。路上寒衝過雨忙。祇爲簡書趨粵嶠。頓令山色負衡陽。祝融尙未登峯碧。杳嶺無由見字蒼。同鴈遙看鄉信斷。楓林鳥影落寒塘。

寶家道中

石城石磴何崔嵬。宦轍凌風費卷幃。峻壁臨江開徑小。孤村帶壘聚民稀。蒼茫漁船含秋雨。窮渺禽聲入翠微。誰叱王陽經九折。錯分忠與孝相違。

代家父賞菊

花情最與逸相宜。十月霜風挾雨披。時序驚心頻北顧。老夫卽事向東籬。落英細數看雲久。尊酒同傾對客遲。處處年年拚著汝。東西南北任吾之。

梧州喜報家君至陸川

獨行羈旅不遑將。詎意承顏此宦鄉。闌燭再燒疑是夢。綵簾初舞恰生狂。三孫提抱駭還笑。五載慇懃短更長。聞道畏途今且慰。矢心何以報穹蒼。

宴印唐宅留題

絲桐自昔向知音。過柳穿塘一徑深。洞口攀桃驚犬吠。山門弄月傍花陰。幽懷未展茶甌局。獨酌何妨酒半斟。旅邸軒楹多徙倚。思君不見發狂吟。

印唐宅效首尾吟

看竹何須問主人。東風和煦草堂春。如屏天遠諸峯出。傍戶聲幽一鳥馴。池向山頭分月曉。石於花圃繡苔勻。眼前佳景宜行樂。看竹何曾問主人。

迎春卽事

露冕尋芳曉出封。淡桃細柳露華穠。人逢歲首春偏富。鳥啼枝頭花正濃。便遣佩刀來買犢。盡令編甲去歸農。旬宣近喜民風勝。飽煖謳歌處處逢。

藤縣中卽事

徑轉田隈小竹籬。老翁七十自扶藜。煙籠古柏迷村火。雲擁前山失酒旗。馬

張 事 軒 摘 稿

張 事 軒 摘 稿

歷崎絕緣事艱。飯甘藜藿爲民疲。藤江僕僕重經地。松嶺輕陰粵鳥啼。

溫泉湑暖陸川六景

三台山下沸溫泉。泉上芳亭夕照懸。寶鼎香浮漫帶雨。石泓春暖瑞生烟。炎
荒氣候原多熱。寰宇洪爐信有天。不用鄒生來協律。融融生意足藍田。

分水清環

雲氣秋深薄鷺汀。春風岸柳拂沙明。山從穿石分源迥。水入空江到海清。九
曲菁莪諸派合。三台樓閣遠峰迎。粵南到此真形勝。如帶關河拱帝京。

後陽疊嶂

後陽山上鬱岑岑。萬竊松篁接洞陰。城市煙雲相結帶。山河表裏盡交襟。金
湯虎豹橫關塞。玉柱風嵐變古今。誰道陸川非陸海。憑虛回首一登臨。

前台列屏

七言律

七七

文星宿列三台。熬極方輿控海門。畫案生橫青嶂合。錦屏天遠碧峰同。靈洲已向南中出。間氣遙從北極來。自古嵩高能毓秀。篤生中甫濟時才。

西鳳朝陽

高崗西望產梧桐。儀羽婆娑訝許同。象郡有山皆拱北。鳳臺無日不朝東。彩懸苞竹千尋起。雲擁扶桑五色籠。並峙雲龍終不改。遙看劍閣淬天雄。

謝仙飛瀑

陸川有崑崙山

崑崙源水碧嵒嵒。瀑布千尋界鶴橋。原有錫飛生羽翰。遙憐仙掌出雲霄。琪花未老桃先實。瑤草方苓杏已條。自是山靈通望氣。嵩呼千載祝唐堯。

與李瑤泉甘文峯月夜投壺會飲因携遊賦此

菖蒲初泛舟中綠。甘荔新傳席上丹。千里月來今夜共。百年壺送此盃寬。江雲獨縱南州遠。劍氣雙侵北斗寒。酒罷不禁還秉燭。樓頭容數四更殘。

張 事 軒 摘 稿

寄符敬所

鄭野多年喜御君。憶從館穀夜論文。垂綸水向石中落。扣角聲從隴上聞。藜火三冬勞舊夢。齋居百里望停雲。江村寂寞江天晚。欲借園林春幾分。

與謝崑陽唐舜封遊天寧寺

拂羽林中軌白晝。歸雲海上關青山。偶從郭外逢知己。便向禪林大說還。松影清留孤鶴瘦。洞門深鎖一僧閑。追陪盛會緣非偶。細數虛名一笑間。

雨中迎川見訪

時十一月一日

鴈薄西風拂曉霜。故人車馬自丈鄉。山中帶雨遙催旆。竹徑呼童笑倒裳。念舊獨驚風木苦。攤詩不覺水雲長。東籬漏得春消息。冉冉韶光是小陽。

李南薰見訪

李清堪與曆日

雨澁涼生海嶠秋。石床花徑曉雲浮。清尊此日逢知己。策杖人間豈浪投。獨

向先天分造化。遠從孤嶼覓丹丘。林間拚作堪輿子。欲向松筠結晚俦。

再寄迎川時書付與秀人來

客去遲遲主膳魚。催詩中酒共春初。高懷不覺老來壯。即事看移忙裏書。喬谷陰濃爲得意。藥欄花茂蝶先舒。知君興溢彭宣外。祇恐安昌嬾草居。

寓建江月夜聞笛有懷甘文峯

隔鄰風度入簾聲。午夜堪憐月色清。楊柳翩翩回海岱。梅花歷歷動江城。青衿咫尺何千里。碧浪三秋是五更。欲盡曲中無限意。須緣歌扇再班荆。

哭甘文峯

解綬歸來鬢未華。逍遙歲夢忽驚蛇。玉樓獨擅修文手。滄海誰憐綺季家。百里韶光留橘隱。五更風雨惜荆花。登堂念舊人何在。拭淚臨風祇自嗟。

黃汝欽宅上

幽居正喜塵囂遠。出谷誰云生事稀。芳草留人清露濕。鶯花近眼暖風微。木間猿鹿看成夢。海上沙鷗羨息機。信宿話君多感慨。石家金谷野禽飛。

初秋經莫東山舊宅

竹簷椰陰憶夜分。主翁掃榻細論文。獨憐碧水今黃土。只有寒山對夕曛。滄海常連三伏雨。晴風不改四時雲。古今聚散尋常事。瞬息黃梁獨慨君。

次張業白韻二首

何須絕島問蓬瀛。水碧山青護草楹。夜月半將松影度。春風細捲釣綸輕。淵明松菊惟高枕。范蠡漁舟只避名。黃鳥年來舊相識。綠陰時送隔溪聲。世事清消一健忘。道心隨處浴滄浪。偶逢洞口刀圭訣。因識山中歲月長。百里棠陰分雨露。十年歧路嘆蒼梁。憑誰尙友嵇嘯子。比屋于今共挽唐。

邀甘程二丈人

池上新亭獨倚欄。自臨釣石俯雲湍。賞心誰是高陽侶。閱險頻催杜甫鞍。濛

雨細侵花溼滑。停雲漫疊舊山寒。涼風擺折塔前笋。驚作故人車馬看。

次張業白見訪二首

曉騎凌風乘興長。倒裳獨笑主人忙。感君舊是玄真侶。惡我兼遺肘後方。岸轉漁歌橫落日。春留燕語背斜陽。鴉尊却羨江亭好。獨愧高人元漫郎。
老去詩篇次第裁。興來魚鳥莫相猜。谷盤徐有松花落。逕遠惟宜隱者來。叩角有時歌白石。看花隨意踏蒼苔。莫將轉盼論陳迹。百歲相看能幾廻。

登竹峯員墩書館

松風拄杖訪蓬瀛。傍竹青青結草楹。水遶燈花山館靜。江含秋色島雲清。每從盤谷耽幽隱。更向匡廬續令名。林下觀魚春睡足。頻聽午夜有書聲。

再勉館中諸郎

松篁隔水護書臺。年少從今萬卷開。筆付江淹添五彩。文追燕許上三台。郎於燈下知勤讀。翁向江頭口經杯。諸賢源流今擬續。不論荀氏有群才。

稿 摘 軒 事 張

石圃榮歸

淵明秋日賦歸來。書劍蕭蕭度學臺。半畝林塘三徑在。五湖烟雨一尊開。梧
山雲盡棠陰遠。桂水天空鴈影催。戲綵有衣熊未夢。祝君擬泛慶兒盃。

賀陳少雲誕子

春晴十月轉江梅。蓬矢初當誕日開。降嶽英聲鍾海岱。充閭喜氣動樓臺。歌
傳瓜瓞環珠履。慶溢萱堂泛紫盃。正擬古人何所似。眉山秀出小坡來。

夜席書美人便面

瓜入東陵五色饒。脩然青鳥下雲霄。瓊樓不用尋三島。銅雀何須數二喬。盡
道扁舟歸范蠡。誰知金屋醉阿嬌。絲桐獨解無絃意。杜若芳洲憶楚騷。

酒換燈花戲草堂。醉鄉不覺倚新粧。舞筵燦爛知傾國。歌館輕盈羨繞梁。不
用斗杓傾子夜。何妨雲雨妬朝陽。湘妃無恨懷沙意。欲向尊前學楚狂。

寄齊蘭野三首

七言律

絲桐松下訪知音。藥甲青雲一徑深。祇謂龍驤閑豹畧。誰知城市隱山林。詩吟子建須拚酒。賦薄長卿只爲金。擬泛虛舟期汗漫。蕭然世味一何心。

歲晚看君共卜鄰。青山帶郭正宜人。終疑綺里曾歸漢。誰似桃源早避秦。階下蘭孫真次第。山中歲月太因循。星辰昨晚從遊地。江漢今誰笑隱淪。

園閣得汝頻開徑。南北驅人錯問津。五柳逍遙彭澤外。三閭憔悴楚江濱。消除歲月惟尊酒。寄傲乾坤只釣綸。莫道太平無補事。陶唐渙有葛天民。

寄竹峰

元春雷雨動扶搖。對雨知君逸思飄。種玉堦前耽晝永。爭梨膝下看孫驕。塘陂命轡多防滑。江滸傾尊不費邀。病骨年來惟伏枕。可能窮巷一回韶。

元宵會飲昆季草堂

星橋元夜轉新晴。節序人間萬炬明。滿座催花荆樹合。半尊遲月斗雲橫。病懷不覺三分減。酒令須教萬斛傾。已報金吾弛夜禁。流連直待曉鐘聲。

吳梨園請書便面詩以付之

十載飄零滯遠遊。此生天地一虛舟。春隨歌扇人留榻。舞盡花妖客上樓。撫景從容登海嶠。懷鄉汗漫認并州。行邊莫折章臺柳。自古關人咏白頭。

秋日寄舅弟貞字

歷歷秋旻隱翠屏。高軒何處隔江城。山齋寂寞天涵影。谷口清冷澗有聲。聽雨懸燈螢自語。看雲倚檻句還成。不嫌地僻回車馬。肝鬲拚爲信宿傾。

至覬岡用戴公韻

崑嶠行盡覬岡頭。李郭同登泛渚舟。會有鄉書頻寄鴈。原無機事不驚鷗。水歸滄海潮偏急。岸隔漁歌思轉幽。月小山高眞赤壁。煙波杜若采芳洲。

九峰寺用璧間韻

古寺周旋思更悠。十年懷抱此登遊。山尋絕嶂雲盤閣。僧入參禪月滿樓。石

張 事 軒 摘 稿

七言律

磴列屏環且秀。小橋通徑曲還幽。却慚無念驅羣。一鴉傳燈何所求。

重和

◎張相時編

華僑中心之南洋

△南洋狀況

△盡舉無遺

關心南洋事業者不可不看

◎馬來人口

◎馬來之幣制金融

◎馬來之交通

◎馬來之產業

◎馬來之礦產

◎馬來之漁業

◎馬來之工業

◎馬來土人工藝

該字分裝二厚冊定價三元四折發售

海南書局印行

